

10-20

სიმბოლო

„ბუნ“

ახალი ანბანი



წიგნი III



თბილისი



აქტიურობა

„ბან“

ახალი ანბანი

სამშობლო შვილსა ერთგულსა
ითხოვს ეოკელთვის, ეოკელგან.
და ნუ უძტეუნებ შენს მშობელს...
მაგრამ ისწავლე ჯერ ეს: „ბ“.

აკაკი

წიგნი III

წერილი ამბები



თბილისი




36740

Дозв. цензурою Тифлисъ, 17 Января 1892 г.

სტამბა წიგ. გამოც. ქართველთა ამხანაგობისა

Тип. Груз. Издат. Товарищ.




მ შ ი ე რ ი მ ე ლ ა

ელას შიმშილით კუჭი
ეწვოდა. ამდროს ერთი
მსუქანი ერკემალი გარ-
ბოდა და ღუმას მიათამთამე-
ბდა. მელამ რო ეს დაინახა, იფიქრა: ამ
ერკემალს ღუმა ისე ენძრევა, რო უთუოდ
გზაში სადმე დაჰვარდებო, და უკან დაე-
დევნა. შაგრამ ერკემალს ღუმა არ დაჰვარ-
და და მელა-კი შიმშილით მოკვდა.



ქურდზაცა




ებიამ თელა არ იცოდა. ერთხელ ჩურჩხელები შეინახა და ასე ჩათვალა: „წყვილი, წყვილი, წყვილი, წყვილი....“ შეამჩნია ეს იმისმა შეილი-შეილმა, მიეპარა, ამოიღო ერთი წყვილი ჩურჩხელა და შეჭამა. რამდენიმე ხნის უკან ბებიამ ჩურჩხელები გადათვალა და ვერა შეატყო-რა, ისევ წყვილი იყო. მიჰყო მა-შინ-კი შეილიშეილმა ხელი და ყოველ დღე წყვილ-წყვილ ჩურჩხელას შეექცეო-და. ბებიაც ყოველ დღე სთვლიდა და ჰკვირობდა: „რა ექმნა! ეს ჩურჩხელები-კი ისევ წყვილია და, თითქოს, ცოტა ე-დებო!“




ყმაწვილი და კრუხ- წიწილა

ელა სხვაგან მიდიოდა. შვილს უთხრა: „შვილო, წიწილებზე თვალი გეჭიროს, არ დაიკარგნენო!“ დედა რო გაიგულა, შვილმა ერთი გრძელი ბაწარი იშოვა, წიწილები ერთმანეთზე გადააბა და ისე დაყარა, — ეხლა სად-ღა ჯანაბას დაიკარგებიანო, და თითონ სათამაშოდ მოჰკურცხლა. გაჩნდა ამდროს ძერა, დაეშო ძირს, დასწვდა ერთ წიწილას და ყველანიც ჩანჩხურასავით თან აჰყევენ. მოვიდა დედა, ნახა — და ნახა მშრალი-კი დარჩა.




ხერხიანი კურდღელი



ურდღელს ბაჭიები ეყო-
ლა. ძუძუს წოვება ძლი-
ერ ეზარებოდა. სულ რო
არ მოვაწოვო, ხო არც ის
შეიძლება და, მოდი, ვადას მაინც შევეუმოკ-
ლებ როგორმეო. იფიქრა, იფიქრა და ბო-
ლოს ასე ჰკითხათ: სამი თვე გაწოვოთ ძუძუ
თუ საააამი დღეო? — სააამი დღეო, — უთხ-
რეს ბაჭიებმა, — ეგონათ, გრძლად რო
სთქვა, ალბად, გრძელი ხანიც სწორედ
ეს იქმნებო.






ორი ბებერი

რი ბებერი დედაკაცი
დერეფანში იჯდა.
ერთს მუხლებზე საკრავი
ელო და ნემსს უღირ-
ლიტებდა, ძაფის აგება ეწადა. მეორე
ამ მთისას, იმ მთისას უამბობდა. პირველი
ბებერი ეწვალა, ეწვალა, არ იქმნა, ნემსი
ვერ ააგო. მიუბრუნდა მერე მეორე ბებერ-
სა და სთხოვა: „ერთი ეს ნემსი ამიგეო“.
ჩამოართვა იმანაც ნემსი, ატრიალა ხელ-
ში, ატრიალა, თავბედისა ვერა გაუგო-რა
და ისევ პირველს დაეკითხა: „მითხარი
ერთი, თუ ღმერთი გრწამს, ყუნწი საითა
აქვსო“.






ჭკვიანი მონადირე

რთი მონადირე ხეზე იჯდა, ხელში თოფი ეჭირა და ფრინველს უთვალთვალეებდა. ენახოთ, შემოიჯდა მტრედი. მონადირემ თოფი მოიმარჯვა



და, ის იყო, როგორც-კი უნდა მოესხლიტა, მტრედმა ფრთა ფრთას შემოჭკრა და გაფრინდა. მონადირეს ჯავრი მოუვიდა, გაუშვა ხეს ხელი და მიაძახა:

თუ კი შენ „ტყლაშ“, მე კი ველარ „ტყლაშო“! დაჭკრა იმანაც ტაში, უნდოდა გაფრენილიყო და ძირს მიწაზე-კი ბრავეა მოსძვრა.




თაუისი თაუის დასჯა

ედო ბეჟანმა გააჯავრა. დასტაცა თედომ ბეჟანს ყურში ხელი და მთელი სოფლის ბოლო ისე შემოარბენა. სადილობისას თედო შინ მოვიდა; ისე დაქანცულიყო, სულს ძლივს იბრუნებდა. შინაჰკითხეს: „სად იყავ, თედო, ასე რამ დაგლალაო?“ — ჩვენებიანთ ბეჟანმა გამაჯავრა, მაგრამ, ღვთის წყალობა გაქვთ, მეც კაი დღე დავაყენე: ჩავჭიდე ყურში ხელი და მთელი სოფლის ბოლო ისე შემოვარბენეო, — უბასუხათ თედომ. „კარგი-და, ყურში რო ხელი გეკიდა, ის სოფლის ბოლო შენ-კი არ შემოირბინეო?“ უთხრეს შინაურებმა და გადაიხარხარეს.



უ მ ე ც ა რ ი

რთ ღედაკაცს საკაბე
ჩითი უნდოდა. მივიდა
ღუქანში, აძოარჩია ჩითი
და ფასი იკითხა. მეღუქნემ
არშინი 18 კაპეკად დაუფასა. ღედაკაცმა
კაპეკობით ანგარიში არ იცოდა და ასე
უთხრა: „მე კაპეკ-მაპეკებისა არა ვიცი-რა.
გინდა, არშინი ხუთ შაურად მომე, არა-
და, შენი ნებააო.“




მელას აქლემის მეგობრობა არ

გამოადგება




ელა და აქლემი დაძმო-
ბილდნენ. წავიდნენ გზა-
სა. გზაში ერთი პური
იპოვეს. დასტაცა აქლემმა
პურს პირი, აიტაცა მალლა ჰაერში და
დაუწყო ჭამა. მელია ტირილით ფეხთ
ეხვეოდა: „მეგობარო! ცოტა მეც მიწილა-

დე, უიმში-
ლით მუცე-
ლი მეწვი
სო!“ აქლე-
მი-კი ყურ-
საცარიბერ-
ტყავდა. შე-
სწუხდა მე-



ლია მეტის უიმშილით და აქლემს ფეხებ-
ში კბენა დაუწყო, ეგების ყური მათხო-


ვოსო. მაგრამ გაბრაზებულმა აქლემმა
დაჰკრა მელას ფეხი და გასრისა.



დანათესავება

ოფლის ბიჭები მოგრო-
ვილიყვნენ და ერთი დი-
დი კაცის ქებასა ლაპარა-
კობდნენ. ერთ იმათგანს უნდოდა, თავი
გამოეჩინა, თავის ამხანაგებზედ უფრო მე-
ტი ყოფილიყო და ასე დაიქადნა: „ბიჭო-
და, ის ხო ჩვენი ნათესავია!“ — როგო-
რაო?! — ჰკითხეს გაკვირვებულმა ამხანა-
გებმა. „როგორ-და“, სთქვა თავმომწონემ,
„ერთხელ იმათი მამალი ჩვენ ბანზე შემო-
ფრინდაო.“





ორი მეგობარი

აღი კაკალსა ჰბერტყავდა. მივიდა იმასთან ერთი სხვა კაცი და ქვევიდგან, შესძახა: „ივანე, ივანე! ცოტა ხანს



დირს ჩამო, საქმე მაქვსო!“ — ისეთი რა საქ-

მე გაქვს, კაცო! არ შეიძლება, სახვალ-
ოდ გადასდოეო?— „არა, არა! საჭირო სა-
ქმეა, ცოტა ხანს ჩამო და მერე ისევ
ადიო“. გაანება ივანემაც თავი კაკ-
ლის ბერტყვას და ჩამოვიდა; მიუახლოვ-
და მაშინ ის მეორე კაცი და ყურში
წასჩურჩულა: „სააღდგომოდ ლიტანია მე
და შენ ქერთად შემოეუაროთ, პირობა
სხვას არ მისცეო“, და წავიდა.






კაი მწყემსი


წყემსს მინდორში ცხვარი ეღვა. მივიდა იმასთან მშიერი მგელი და ერთი ცხვარი სთხოვა. მწყემსმა არ მისცა, — ბატონი გამიჯავრდე-



ბაო. „მაშ წადი და შენს ბატონს შემა-


ხვეწე, რომ ერთი ცხვარი მიბოძოსო,“
უთხრა მგელმა.— კარგი, მაგრამ ცხვრის
ფარა ვის სინაზარა დავტოვო?— მგელ-
მა შეჰფიცა დიდის ფიცით: „შენს მოსე-
ლამდე მე მოვუვლი და ხელს არავის
ვახლებინებო.“ დაუჯერა მწყემსმა მგელს
სიტყვა, იახლა ბატონს და მოახსენა
მგლის დანაბარები. ბატონმა დაუვლო
კეტს ხელი და დაუყვირა: „შებრიყვო, შენა!
მგლისათვის ცხვარი ვის ჩაუბარებიაო?“





მცივანა მელია

ელას ძლიერ შესცივდა.
ცხრა მთას იქით ცეც-
ხლი დაინახა და ფეხი იქით
გაიშვირა, ვითომ-და, გავით-
ბობო. მელას გვერდით თავისი შვილი




ელგა. შვილმა ერთბაშად თვალს ხელი

იტაცა და დაიყვira: „ვაი, დედავ, მიშვე
ლეო!“ — რა დაგემართაო! — ჰკითხა დედა-
მელიამ. „თვალში ნაპერწკალი ჩამივარდა
და დამწვაო“, უპასუხა შვილმა.




ბუ და არწივი



უმ არწივს მოციქული
მიუგზავნა: შენ დღის
ფრინველთა მეფე ხარ, მე
ღამის ფრინველებისა და, მო-
დი, დავმძახლდეთ — შენი ქალი ჩემს ვაჟს
მიეო. მოეწონა არწივს ეს აზრი და ნება
მისცა. ქორწილი დღით იყო დანიშნული.
ბუ ვერასა ჰხედავდა და ქორებმა სასაცი-
ლოდ აიგდეს. ბუ გაწყრა ამაზე და მძახ-
ლობა ისევ მოეშალათ.






მოუფიქრებელი გაფრ- თხილება

რი ამხანაგი მიდიოდა გზასა: ერთი წინ, მეორე უკან. გზაში, თურმე, პირლია ორმო იყო. წინამ ვერ შეამჩნია და შიგ ყლაპა მოსძვრა. მოვიდა მეორე ამხანაგი ორმოს პირს და ზევიდგან ჩასძახა: „შენ მანდ დაიცადე, მე წავალ, თოკს მოვიტან და ამოგიყვანო“. ქვევითა ამხანაგს გაეცინა და ასე ამოსძახა: „რო არ დაეიცადო, სად უნდა წავიდე, განა რა შემოდლიანო“?!







კაი პატრონი

აკი ვირსა და აქლემს მოერეკებოდა. სოფელს კარგა გამოსცდა, მინდორში გამოვიდა. იქ უცებ მოაგონდა, რო ერთი რამ საქმე კიდევ დაჰვიწყებოდა. უნდოდა უკან მიბრუნებულყო, მაგრამ არ იცოდა, საქონლისათვის რა ექმნა. იყურა, იყურა, გარს სულ ტრიალი მინდორი იყო და ერთი ხე არსადა ჩანდა, რომ ხეზე მაინც გამოება. ბოლოსასთქვა: მოდი, აქლემს დაეაჩოქებ, ვირს ზედ გამოვაბამ და ორივე დაბმულები იქმნებიანო. სთქვა და აასრულა კიდევ. თითონ უკანვე წავიდა, მიისაქმ-მოისაქმა და ისევ ჩქარა გამობრუნდა. მოვიდა, შეჰხედა

თავის საქონელს რ პირ კატა-კი ეცა: აქლემი



ფეხზე წამომდგარიყო და გაგუდული ვი-
რი ფეხებს ჰაერში ათამაშებდა.






კაცი და მეელი

აკს ვირი დაჰკარგო-
და და იმას დაეძებდა.
შემოეყარა წინ მეე-
ლი და ჰკითხა: „რამ და-
გალონა, კაცო, რა დაგმართებიაო?“ კაც-
მა უპასუხა: — ერთი ვირი მყვანდა, დაე-
კარგე და იმას დაეძებო. — „რო იცოდე,
ის ვირი ხო მე ვიპოვეო,“ უთხრა მეელმა.
— მაშ, მოიტა, მომე და საპოვნელას მოგ-
ცემო. — „აბა საიდგან-ლა მოგცე! ის შენი
ვირი ტალახში ჩაფლულიყო, დავინახე
თუ არა, ვიცან და საშველად გავეჩქარე.
დიდი ხათრი მაქვს შენი, ხო იცი, და
მთელი სამი დღე მოვანდომე იმის გან-
თავისუფლებას. შრომა და ჯაფა არ და-
მიზოგია, ღმერთმა ხო იცის...“ — კარგი-
და, ამოიყვანე იმ საფლობიდან თუ არაო? —

გააწყვეტინა სიტყვა ბრაზ მოსულმა კაცმა.



— „ამოყვანით-კი ამოვიყვანე, მაგრამ ვიცო-
დი, ლარიბი კაცი იყავ, საპოვნელას ვერას
მომცემდი და ჩემს გასამრჯელოში მევე
გიახელიო“.





დათვი, ტურა და
მელია

აძმობილდნენ დათვი, ტურა და მელია. წავიდნენ საშოვარზე. იარეს, იარეს და ერთი ბატის მეტი ვერა იშოვეს-რა. ყველას არ ეყოფოდათ და რომელს შეეჭამა, არ იცოდნენ. ბოლოსა სთქვეს: მოდი, ვინც ხნით ყველაზე მეტი იყოს, ბატი იმან შეჭამოსო. ტურასა ჰკითხეს: შენ რა ხნისა ხარო?—ადამი რო დაიბადა, მეც მაშინ დავიბადეო. ტურამ რო ადამი ახსენა, მელამ ტირილი ამოუშვა. რა გატირებსო? ჰკითხეს ამხანაგეებმა. „როგორ თუ რა მატირებს! ადამი რო დაიბადა, მაშინ მე სულ უფროსი შეილიშვილი მომიკვდაო.“ დათვმა რო

ესენი გაიგონა, სთქვა: „თუმცა მე ხნით



ოთხის წლისა ვარ, მაგრამ ბატს-კი არა-
ვის დაგანებებთო“. სთქვა ეს და ბატს კნა-
წაკნუწი დააწყებინა.





რ ე გ ვ ე ნ ი


ეგვენს ერთი აბაზი ჰქონდა. სთქვა: წავალ ქალაქს და ერთ კაი ვირს ვიყიდიო. მივიდა ქალაქში, ჩაიარა ბაზარში, ნახა, ერთგან ერთ დიდ საზამთროსა ჰყიდიან. რეგვენს თავის დღეში საზამთრო არ ენახა, გაუკვირდა და იკითხა: ეგ რა არისო? შეატყო მედუქნემ, უმეცარიო, და დაცინვით უბასუხა: „ეს ინლოეთის ვირის კვერცხია, ძვირფას ვირს მოიგებსო“. უამა ამ კაცს, შეევაჭრა, მისცა აბაზი და სიხარულით გასწია შინისაკენ. მედუქნემ ერთი - კი გამოსძახა: „ჰა! ფრთხილად წაიღე, ხელიდან არ დაგვარდესო“, და დაიმალა. რეგვენმა გზაში აკი ქვას ფეხი წამოჰკრა: საზამთრო ხელიდგან დაჰვარდა, დაღმართზე

დაუგორდა და ერთ ბუჩქში ჩაიჭედა. იმ
ბუჩქში, თურმე, კურდღელი იჯდა; გულ-



გახეთქილი კურდღელი წამოვარდა ფეხ-
ზე და მოჰკურცხლა, რაც ძალი და ღონე
ჰქონდა. რეგვენს ეგონა, ეს სწორედ ჩემი
ვირის კვერცხიდან გამოჩეკილი ჩოჩორიაო,
და მისძახოდა: „ქური, ქური! სად გარ-
ბიხარ, ინდოეთის ვირის კვიცო, მოდი ჩემ-
თან, ჩემი ხარო!“

მგლის შიშით ცხვარი ვის გაუწყვეტია




ამა თავის ქალს გა-
თხოვებას უპირებდა.
ქალს გათხოვება-კი უნ-
დოდა, მაგრამ ჯერ კიდევ
ყოყმანობდა. ერთხელ ეს ქალი ერთ თუთის
ხეს ქვეშ იჯდა, საკერავსა ჰკერავდა და
გულში თავის გათხოვებაზედა ჰფიქრობდა:
ეთქვათ, მე ეხლა ქმარი შევირთე; ეთქვათ,
ერთი წლის უკან შეილი მეყოლა; ეთქვათ,
ჩემი შეილი წამოიზრადა და ხეზედ ასვლა
შეიძლო; ეთქვათ, ეხლა სწორედ ამ ხეზედ
არის ასული, თუთასა სჭამს და უნდა, რო-
ცოტა თუთა მეც დამირხიოს; ეთქვათ...
ამ დროს ტოტს ფეხი დააცდინა და
თავდაყირა გადმოეშვა... ვაიმე, შეილო!
ვაი შენს დედასა!...—დაიძახა ქალმა, გააგ-

დო ხელიდგან საკერავი და მოჰყვა ტირილსა და თავში ცემას. მამას ტირილის



ხმა შემოესმა, მივიდა თავის ქალთან და მიზეზი ჰკითხა. ქალმა სლოუკ-სლოუკით უბასუხა: „ეხლა ასე და ასე ვფიქრობდი და მართლა რო ამიცხადდეს, რაღა მეშველება!.. არა, მამავ, მე თავის დღეში არ გავთხოვდებიო!...“



უსამართლოდ დასჯილი

როტ ღარიბ კაცს თავის ბაღში გულაბი მსხალი ედგა. ერთ წელიწადს ამ ხემ ბევრი მსხალი მოისხა. გლეხმა იფიქრა: მოდი, მოგვკრებ ამ მსხალს და ხელმწიფეს მივართმევ — მოწყალებას მოიღებსო. დაკრიბა და წაიღო. სასახლეში რო მივიდა, დაჰხვდა იქ კარის კაცი; ჩამოართვა იმან ძღვენი და უთხრა: „შენ აქ მოიცა და მე მოვახსენებ მეფესაო“. სანამ ის კარის კაცი პასუხს რასმე გამოუტანდა, მოვიდა ერთი ჯარის უფროსი და თან ტყვეები მოიყვანა. ტყვეები იქ დასტოვა, სადაც ის გლეხი იყო და თითონკი მეფეს იახლა ამბის მოსახსენებლად. მცირეს ხანს უკან გამოვიდა თვით მეფე და განრისხებულის ხმითა ბრძანა: „წაიყვა-

ნეთ ყველა ესენი და ციხეში ჩაყარეთო“! მოუსვენს მართლაც ხელი და ყველანი ციხეში ჩაკეტეს. ვერ შეამჩნიეს, თურმე, და თან მიაყოლეს ის გლეხიც, მეფეს რო მსხალი მიაართვა.

გავიდა იმის შემდეგ კარგა ხანი, მეფეს ვაჭიშვილი ეყოლა. მეფე ნასიამოვნები იყო და იმ დღეს დიდი მოწყალება გასცა. დაიბარა თავისთან ის ტყვეებიც, გაანთავისუფლა და ოქრო-ვერცხლიც უწყალობათ. ყველამ სიმდაბლით მიიღო ეს მეფის წყალობა, მაგრამ იმ უსამართლოდ დასჯილმა გლეხმა ასე მოახსენა: „თუ არ გამირისხდები, დიდებულო მეფევ, მაგ ოქრო-ვერცხლის მაგიერ ერთი ცული და ერთიც ქალაღდის ნაგლეჯი მიწყალობეო.“ მეფეს გაუკვირდა და ჰკითხა: „რად გინდა ან ცული და ან ქალაღდიო?“ გლეხმა უპასუხა: „იმ ცულით იმ გულაბი მსხლის ხეს მოვჭრი და იმ ქალაღდზედაც იმ ანდერძს დავწერ, რო

37
5949

არამც და არამც ჩემმა მოდგმამ ესე ჩემ-
საებ თაევხედობა აღარ ჩაიღინოს და დიდ-
კაცს პატივისცემა არ გაუბედოსო. “ როდეს-
საც მეფემ შეიტყო იმისი წყრომის მიზეზი,
მოეწონა გლეხის პასუხი და ერთი ათასად
დაასაჩუქრა.



37

5 949

ვლ. აღნიაშვილის მიერ
ხელმძღვანელოები:

- 1) „ან“, წერა-კითხვა 10 კ.
- 2) „ბან“, წვრილი ხალხური ლექსები . . . 10 კ.
- 3) „გან“, წვრილი ხალხური ამბები 10 კ.
- 4) უბის ლექსიკონი 30 კ.
- 5) ხალხური ზღაპრები წიგნი I, გამოცემა
„ქართველთა ამხანაგობისა“ 40 კ.
- 6) „Первый шагъ“ въ изученіи гру-
зинскаго языка, გამოცემა „ცენტრა-
ლური წიგნის მაღაზიისა“ 30 კ.

იბეჭდება და ამ მოკლე ხანში გამოვა:

- 1) „დონ“, წვრილი ხალხური ამბები . . . 10 კ.
 - 2) „ენ“, გასართობი 10 კ.
-